

**Ta'ita'i-Fono:** Fa'aeteete Saifoloi FT  
**Sui Ta'itai-Fono:** Dr. Leatulagi Fa'alevao FT  
**Failautusi Aoa:** Nafatali Falealii FS  
**Teutupe:** Fiasili Puni E. Haleck TK



**Ekalesia Fa'apotopotoga Kerisiano Amerika Samoa**  
Pusa Meli 1537 – 1 Kanana Fou Street  
Pago Pago, Amerika Samoa 96799  
Tel. (684) 699-9810 Fax: (684) 699-1898  
imeli: [nfalealii@efkasonline.org](mailto:nfalealii@efkasonline.org)  
upegatafaailagi: <https://efkasonline.org>

*Ofisa a le Failautusi Aoa, EFKAS*

Fepuari 14, 2020

Susuga i Toeaiina ma Fa'afeagaiga  
Mamalu o le 'Aufaigaluega EFKAS  
'Aulotu EFKAS i Amerika ma Amerika Samoa

### **MATAŪPU: Sāvāli a le Tusigā Igoa 2020 (Census 2020)**

Susuga e,

I le suafa mamalu o Keriso le Ao o le Ekalesia, e fa'atalofa ma ofo alofa atu ai i le paia o le 'Aufaigaluega, i Tamā o le Ekalesia ma faletua, susuga i Fa'afeagaiga ma faletua, fa'apea le mamalu o Ekalesia ma 'aulotu a le EFKAS i Amerika ma Amerika Samoa. E talitonu o loo maua luga pea le alofa ma le agalelei o le Atua i lo outou soifua ma lo tatou ola, e tusa ai ma tiute ma tofiga e pei ona feagai ai. Malo le galulue. Malo foi le taupati mo le Atua ma lana galuega.

Ua ou faia leni tusi i le ava ma le fa'aaloalo e tatau ai, e fa'aailoa atu ai le sāvāli a le vaega o le Tusigā Igoa, poo le Census 2020, ua o'o mai i la tatou Ofisa Tutotonu i Kanana Fou. O le pogai o le sāvāli, ua latou talosagaina le fesoasoani o le EFKAS i la latou galuega tau savali i le tusiga o suafa o tagata lolotu o le Ekalesia, aemaise o 'aulotu i Amerika ma Amerika Samoa.

E le fesiligia le taua o le faitauina o le EFKAS ma tasi o Ekalesia tuma'oti i totonu o le Malo Tele o Amerika, aemaise o fa'amanuiaga e mafai ona agavaa ai le Ekalesia Aoa ma tagata lolotu e ala i leni faamoemoe. Ona o lea, ua manatu ai le Ta'ita'ifono ma le Lauaufono o le Fono Tele, e le tatau ona tatou teena lea sāvāli. Ma, i le ava tele ma le fa'aaloalo e tatau ai, e fa'aaloolo ma'au atu ai i Tamā o le Ekalesia ma susuga i Fa'afeagaiga, tainane le mamalu o 'aulotu ma Ekalesia a le EFKAS i Amerika ma Amerika Samoa, ia tautuana ma fesoasoani i le galuega tau savali a le Tusiga Igoa 2020 pe a to'ai atu. I le Iloiloga VII o le Faavae o le Ekalesia na mavae atu nei, o le isi lea vaega o le misiona a le EFKAS na fa'amanino ai: o le fesoasoani e atia'e le manuia lautele o tagata uma i totonu o faigamalo ma atunuu o loo tatou 'aumau ma galulue ai.

Ia manuia tele feau ma galuega o leni tausaga ua tatou savalia. Tautai folau le Atua, e manuia ai mea uma tatou te faia. Tatou feiloa'i i le Fono Tele XXXIII ia Iulai 2020, pe a pule alofa le Atua e sopo ai lo outou soifua ma si o matou ola.

O la outou auauna ia Keriso,

Nafatali Falealii FS  
Failautusi Aoa EFKAS